

Prilog 2

Potvrda za objekte

Općina
Općinska služba za
na zahtjev izdaje

P O T V R D U

Da je
(naziv/ime i prezime)JMB/JIB prebivalište/sjedište
općina vlasnik ili korisnik objekta
površine m² i isti se nalazi u mjestu općinaObjekat se nalazi na parceli broj KO upisana
u posjedovni listObjekat se nalazi na području na kojem je dozvoljeno držanje stoke u skladu sa Odlukom o držanju
stoke na području Kantona Sarajevo ("Službene novine Kantona Sarajevo", broj 17/16).Potvrda se izdaje na zahtjev imenovanog i služi za ostvarivanje prava na novčani podsticaj u
poljoprivredi i ruralnom razvoju na području Kantona Sarajevo i u druge svrhe se ne može koristiti.

Ovlašteno lice

MP

datum

Prilog 3

Potvrda za pčelinjak

Općina
općinska služba za
na zahtjev izdaje

P O T V R D U

Da
(naziv/ime i prezime)JMB/JIB prebivalište/sjedište
općina ima pčelinjak koji se nalazi na području na kojem je dozvoljeno
držanje stoke u skladu sa Odlukom o držanju stoke na području Kantona Sarajevo ("Službene novine
Kantona Sarajevo", broj 17/16).Potvrda se izdaje na zahtjev imenovanog i služi za ostvarivanje prava na novčani podsticaj u
poljoprivredi i ruralnom razvoju na području Kantona Sarajevo i u druge svrhe se ne može koristiti.

Ovlašteno lice

MP

datum

**Ministarstvo za odgoj i obrazovanje
Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 38. stav (4) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), ministrica za odgoj i obrazovanje Kantona Sarajevo donosi

**PRAVILNIK
O IZMJENAMA I DOPUNAMA PRAVILNIKA O
REALIZACIJI ŠKOLE U PRIRODI, IZLETA,
STUDIJSKIH POSJETA, EKSKURZIJA,
KAMPOVANJA/LOGOROVANJA, DRUŠTVENO-
KORISNOG UČENJA I DRUGIH OBLIKA ODGOJNO-
OBRAZOVNOG RADA U OSNOVNOJ I SREDNJOJ
ŠKOLI**

Član 1.

(Izmjene člana 3.)

- (1) U Pravilniku o realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj 34/24) u članu 3. tačka j) mijenja se i glasi:

"j) izložbene aktivnosti su specifičan obavezujući oblik nastave iz nastavnog predmeta Likovna kultura koji pohađaju učenici devetog razreda osnovnih škola i organizira se i realizira jedanput u toku školovanja, u prvom polugodištu (septembar, oktobar) i drugom polugodištu (mart, april, maj), u objektima od kulturnog značaja i ustanovama kulture u Kantonu Sarajevo, gdje su osigurani optimalni uslovi za rad. Učenici će realizirati pet posjeta u navedenim vremenskim periodima u toku školske godine radnim danima od ponedjeljka do petka;"

- (2) U tač. m) i p) riječi: "sukcesivno (periodično, etapno)" se brišu.

Član 2.

(Izmjena člana 4.)

U članu 4. stav (1) mijenja se i glasi:

- "(1) Prilikom organiziranja i realiziranja svih oblika odgojno-obrazovnog rada, koji su predmet ovog pravilnika, zabranjena je svaka vrsta diskriminacije u skladu sa zakonom."

Član 3.

(Izmjena člana 12.)

U članu 12. u stavu (2) riječ: "javna" se briše.

Član 4.

(Izmjena i dopune člana 21.)

- (1) U članu 21. stav (1) mijenja se i glasi:
"(1) Institut planira i koordinira realizaciju "škole plivanja"."
(2) Iza stava (3) dodaju se novi st. (4), (5) i (6) koji glase:
"(4) U budžetu Kantona Sarajevo osiguravaju se sredstva za realizaciju škole plivanja".
(5) Nakon realizacije "škole plivanja" Institut vrši evaluaciju realizacije "škole plivanja", o čemu Izvještaj dostavlja Ministarstvu.
(6) Izvještaj iz stava (5) ovog člana obavezno sadrži eventualne prijedloge za unaprijeđenje "škole plivanja"."

Član 5.

(Izmjena člana 22.)

U članu 22. u stavu (4) riječi: ", korištenje javnih resursa zatvorenih i otvorenih kupališta" se brišu.

Član 6.

(Izmjena člana 24.)

U članu 24. stav (3) mijenja se i glasi:

- "(3) Ukoliko nije moguće realizirati "školu skijanja" zbog neadekvatnih vremenskih prilika, Institut će predložiti i koordinirati zamjensku aktivnost u toku nastavne godine,

a koju Ministarstvo odobrava i za koju definiše obaveze svih sudionika prilikom realizacije odobrene zamjenske aktivnosti."

Član 7.

(Izmjene i dopune člana 25.)

- (1) U članu 25. stav (1) mijenja se i glasi:
"(1) Institut planira i koordinira realizaciju "škole skijanja", te za potrebe realizacije "škole skijanja" osigurava uređene skijaške staze u Kantonu Sarajevo shodno članu 24. stav (1) ovog pravilnika."
(2) U stavu (3) riječi: "Biroa za zapošljavanje" zamjenjuju se riječima: "Javne ustanove Služba za zapošljavanje Kantona Sarajevo".
(3) Iza stava (4) dodaju se novi st. (5), (6), (7) i (8) koji glase:
"(5) U budžetu Kantona Sarajevo osiguravaju se sredstva za realizaciju "škole skijanja".
(6) Ministarstvo realizira javnu nabavku prevoza za sve učenike koji sudjeluju u "školi skijanja".
(7) Nakon realizacije "škole skijanja" Institut vrši evaluaciju realizacije "škole skijanja", o čemu Izvještaj dostavlja Ministarstvu.
(8) Izvještaj iz stava (7) ovog člana obavezno sadrži eventualne prijedloge za unaprijeđenje "škole skijanja"."

Član 8.

(Izmjena člana 27.)

U članu 27. u stavu (1) riječ: "izvrstan" se briše.

Član 9.

(Izmjena i dopune člana 29.)

- (1) U članu 29. stav (1) mijenja se i glasi:
"(1) Institut planira i koordinira realizaciju "škole planinarstva", te za potrebe realizacije "škole planinarstva" osigurava uređena planinarska izletišta i planinarske staze shodno članu 28. stav (1) ovog pravilnika, kao i licencirane planinarske vodiče i licencirane učitelje planinarstva u skladu sa stavom (3) ovog člana."
(2) Iza stava (3) dodaju se novi st. (4), (5), (6) i (7) koji glase:
"(4) U budžetu Kantona Sarajevo osiguravaju se sredstva za realizaciju "škole planinarstva".
(5) Ministarstvo realizira javnu nabavku prevoza za sve učenike koji sudjeluju u "školi planinarstva".
(6) Nakon realizacije "škole planinarstva" Institut vrši evaluaciju realizacije "škole planinarstva", o čemu Izvještaj dostavlja Ministarstvu.
(7) Izvještaj iz stava (6) ovog člana obavezno sadrži eventualne prijedloge za unaprijeđenje "škole planinarstva"."

Član 10.

(Izmjena člana 32.)

U članu 32. riječi: "sukcesivno (periodično, etapno)" se brišu.

Član 11.

(Izmjene člana 33.)

- (1) U članu 33. u stavu (1) riječi: "nastavnom predmetu", zamjenjuju se riječima: "nastavnog predmeta".
(2) Stav (2) mijenja se i glasi:
"(2) Koncertne aktivnosti realiziraju se u saradnji sa ustanovama kulture u Kantonu Sarajevo i drugim kulturnim organizacijama."

Član 12.

(Izmjena člana 36.)

Član 36. mijenja se i glasi:

"Član 36.

(Organizatori i realizatori koncertnih aktivnosti)

U organizaciji i realizaciji nastavnih obaveza koncertnih aktivnosti učestvuje nastavnik Muzičke/Glazbene kulture, a prema dogovoru i u skladu s temom i sadržajem navedene aktivnosti mogu se uključiti i nastavnici drugih predmeta prema odluci direktora škole."

Član 13.

(Izmjena člana 37.)

Član 37. mijenja se i glasi:

"Član 37.

(Pojam muzičke radionice)

- (1) Muzičke radionice predstavljaju specifičan obavezujući oblik nastave iz predmeta Muzička/Glazbena kultura koji pohađaju učenici osmih razreda osnovne škole, a organizuju se tokom školske godine u trajanju od 15 časova.
(2) Učenici u pratnji nastavnika Muzičke/Glazbene kulture i drugih stručnih osoba prisustvuju radionicama o horskom i orkestarskom stvaralaštvu, tradicijskim instrumentima, posjećuju muzički/tonski studio i sl."

Član 14.

(Izmjene člana 39.)

- (1) U članu 39. u stavu (1) riječi: (ritam, melodija) se brišu.
(2) U stavu (2) riječ: "je" zamjenjuje se riječju: "su".

Član 15.

(Izmjene člana 41.)

- (1) U članu 41. u stavu (1) riječ: "odgovorn" zamjenjuje se riječju: "odgovoran".
(2) Stav (2) mijenja se i glasi:
"(2) U realizaciji muzičkih radionica pored nastavnika Muzičke/Glazbene kulture mogu učestvovati i nastavnici drugih predmeta."
(3) U stavu (3) riječ: "KUD-u" zamjenjuje se riječima: "kulturno umjetničkom društvu".

Član 16.

(Izmjena člana 51.)

U članu 51. stav (2) mijenja se i glasi:

- "(2) U organizaciji i realizaciji "škole očuvanja kulturne baštine i tradicije kroz kreativne radionice" pored nastavnika Likovne kulture učestvuju i drugi nastavnici iz škola sa područja Kantona Sarajevo."

Član 17.

(Izmjena člana 52.)

U članu 52. stav (1) se briše.

Član 18.

(Izmjene člana 86.)

- (1) U članu 86. u stavu (2) u tački j) riječ: "škole" zamjenjuje se riječju: "Instituta".
(2) U tački k) riječ: "Ministarstva" zamjenjuje se riječju: "Instituta".

Član 19.

(Izmjena i dopuna člana 96.)

- (1) U članu 96. u naslovu iza riječi "osnivača" dodaje se zarez i riječi: "Instituta i škole".
(2) Stav (2) mijenja se i glasi:

"(2) Obaveza Instituta i škole je da predvidi ova sredstva u svojim budžetima i u tom smislu uputi zahtjev osnivaču za doznačavanje istih."

Član 20.

(Izmjena i dopuna člana 98.)

(1) U članu 98. u stavu (2) iza tačke b) dodaje se tačka c) koja glasi:

"c) Institut;"

(2) Dosadašnje tač. c) do e) postaju tač. d) do f).

Član 21.

(Izmjene i dopuna člana 99.)

(1) U članu 99. u stavu (1) tač. a) i b) se brišu.

(2) Iza stava (1) dodaje se stav (2) koji glasi:

"(2) Prava i obaveze osnivača škola kao javnih ustanova ogledaju se, naročito, u sljedećem:

a) osiguranju sredstava u Budžetu Kantona, na poziciji Ministarstva i Instituta za potrebe realizacije obaveznih oblika odgojno-obrazovnog rada, koji su predmet ovog pravilnika, u školama kao javnim ustanovama;

b) osiguranju sredstava u Budžetu Kantona, na poziciji Ministarstva i Instituta za neophodne troškove zaposlenika koji učestvuju u realizaciji oblika odgojno-obrazovnog rada koji su planirani Godišnjim programom rada škole na način utvrđen članom 95. ovog pravilnika;

c) drugim pravima i obavezama u smislu osiguranja nesmetanog odvijanja odgojno-obrazovnog procesa, a samim tim i svih oblika odgojno-obrazovnog rada, koji su predmet ovog pravilnika, u školama čiji je osnivač."

(3) Dosadašnji stav (2) postaje stav (3).

Član 22.

(Izmjena i dopuna člana 106.)

(1) U članu 106. u stavu (3) broj "108." zamjenjuje se brojem "107."

(2) Iza stava (4) dodaju se st. (5) i (6) koji glase:

"(5) U školskoj 2024/2025. godini osim učenika VI razreda, "školu skijanja" pohađaju i učenici VII razreda.

(6) U školskoj 2024/2025. godini ekscurzije učenika mogu se realizovati na kraju IX razreda."

Član 23.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-07/01-02-19399-

14/24

09. marta 2025. godine
Sarajevo

Ministrica

Naida Hota-Muminović, s. r.

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 9. stav (3) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), ministrica za odgoj i obrazovanje Kantona Sarajevo donosi

PRAVILNIK

O NOSTRIFIKACIJI I EKVIVALENCIJI INOSTRANIH SVJEDODŽBI/OBRAZOVNIH ISPRAVA U OSNOVNOJ I SREDNJOJ ŠKOLI

Član 1.

(Predmet)

Ovim pravilnikom uređuju se uvjeti, način, postupak i subjekti provođenja postupka nostrifikacije odnosno ekvivalencije inostrane svjedodžbe/obrazovne isprave (u daljem tekstu: inostrana svjedodžba) izdatih od strane nadležnih obrazovnih institucija, stečenih izvan odgojno-obrazovnog sistema Bosne i Hercegovine.

Član 2.

(Definisanje pojmova)

(1) Nostrifikacijom inostrane svjedodžbe o završenom osnovnom i srednjem obrazovanju (u daljem tekstu: obrazovanju) u inostranstvu priznaje se ravnopravnost s odgovarajućom svjedodžbom o završenom obrazovanju u Kantonu Sarajevo radi nastavka školovanja ili zaposlenja.

(2) Ekvivalencijom inostrane svjedodžbe o započetom obrazovanju u inostranstvu priznaje se ravnopravnost s odgovarajućim uvjerenjem/svjedodžbom o završenim pojedinim razredima u Kantonu Sarajevo radi nastavka školovanja.

(3) Riječi i pojmovi koji imaju rodno značenje korišteni u ovom pravilniku odnose se jednako na muški i ženski rod, bez obzira jesu li korišteni u muškom ili ženskom rodu.

Član 3.

(Svjedodžbe)

Inostrana svjedodžba o završenom osnovnom i srednjem obrazovanju, završenim pojedinim razredima osnovnog i srednjeg obrazovanja, postupkom nostrifikacije odnosno ekvivalencije izjednačava se s odgovarajućom svjedodžbom u Kantonu Sarajevo radi nastavka obrazovanja ili zaposlenja na području Kantona Sarajevo.

Član 4.

(Pravo na nostrifikaciju i ekvivalenciju)

(1) Pravo na nostrifikaciju odnosno ekvivalenciju inostrane svjedodžbe imaju državljani Bosne i Hercegovine, strani državljani i lica bez državljanstva ako imaju pravni interes za priznavanje svjedodžbi u Kantonu Sarajevo.

(2) Uvjeti u pogledu vjerodostojnosti pravnog interesa u postupku nostrifikacije odnosno ekvivalencije ne odnose se na osobe koje imaju status izbjeglice ili prognanika u skladu sa propisima koji regulišu ovu oblast.

Član 5.

(Postupak nostrifikacije i ekvivalencije)

(1) Postupak nostrifikacije odnosno ekvivalencije inostrane svjedodžbe iz člana 1. ovog pravilnika pokreće se podnošenjem zahtjeva Ministarstvu za odgoj i obrazovanje Kantona Sarajevo (u daljem tekstu: Ministarstvo), na Obrascu N/E 1, koji je sastavni dio ovog pravilnika.

(2) Zahtjev iz stava (1) ovog člana može lično podnijeti osoba koja je stekla inostranu svjedodžbu o završenom osnovnom i srednjem obrazovanju, završenim pojedinim razredima osnovnog i srednjeg obrazovanja izvan odgojno-obrazovnog sistema Bosne i Hercegovine ili opunomoćenik.